



ԵԿԵՂԵՑԱԿԱՆ ԲԵՄ. ԼՈՒՐԵՐ

Նոյեմբերի 2-ին, չորեքշաբթի.—Այսօր Վեհարանում, Վեհափառ Հայրապետի նախագահությամբ, տեղի է ունենում միաբանական հերթական հավաքույթ:

*
*
*

Նոյեմբերի 6-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում Ս. Ստեփանոս վրդ. Չաքալյանը և «Հայր մեր»-ից առաջ քարոզում «Տեսչիք որպես ճշմարտի գնայցեք. մի՛ իբրեւ անիմաստք, այլ իբրեւ իմաստունք. գնեցեք զժամանակս, զի առուրքս չարութեան են: Վասն այնորիկ մի՛ լինիք անմիտք, այլ իմացարուք զինչ են կամք Տեառն» (Եփեսացի Ե, 15—17) բնաբանով:

*
*
*

Նոյեմբերի 9-ին, չորեքշաբթի.—Այսօր Վեհարանում, Վեհափառ Հայրապետի նախագահությամբ, տեղի է ունենում միաբանական հերթական հավաքույթ:

*
*
*

Նոյեմբերի 13-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում Ս. Հայկապոն վրդ. Նաչարյանը և «Հայր մեր»-ից առաջ քարոզում «Եւ ասացեն յառոր յայնմիկ. Ահաասիկ Տէր Աստուած մեր յոր յուսացեալ էաք, եւ ապրեցուցէ զմեզ. զի սա է Տէր, եւ սպասեաք սմա. եւ ցնծացուք եւ ուրախ եղիցուք ի փրկութեան մերում» (Եսայի ԻԵ 9) բնաբանով:

Ս. պատարագին ներկա էր Վեհափառ Հայրապետը:

*
*
*

Նոյեմբերի 16-ին, չորեքշաբթի.—Այսօր Վեհարանում, Վեհափառ Հայրապետի նախագահությամբ, տեղի է ունենում միաբանական հերթական հավաքույթ:

*
*
*

Նոյեմբերի 20-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում Ս. Հովնան աբեղա Տերտերյանը:

Հավարտ ս. պատարագի քարոզ է խոսում Վեհափառ Հայրապետը «Ուղիղ եղիցին արթը մեր որպես խունկ առաջի բո, Տէր» (սաղմոս) բնաբանով:

Հայոց Հայրապետը քարոզի ընթացքում խոսում է նորոգ հանգուցյալ, ՍՍՀՄ ժողովրդական արտիստ, ՍՍՀՄ և ՀՍՍՀ պետական մրցանակների դափնեկիր, հայ ժողովրդի նվիրյալ զավակ Անոն Բաբաջանյանի կյանքի և վաստակաշատ գործունեության մասին:

Այնուհետև Վեհափառ Հայրապետի նախագահությամբ կատարվում է հոգեհանգստյան կարգ՝ նվիրված Անոն Բաբաջանյանի հիշատակին:

Նոյեմբերի 22-ին, երեքշաբթի.—Այսօր ուխտավորաբար Մայր Աթոռ է այցելում Երուսաղեմի հայոց Ամենապատիվ Պատրիարք Տ. Եղիշե արքեպ. Տերտերյանը՝ ուղեկցությամբ Երուսաղեմի հայոց միաբանության անդամ Տ. Կյուրեղ եպս. Գաբրիլյանի:

Ամենապատիվ պատրիարք հորը Երևանի «Զվարթնոց» օդանավակայանում դիմավորում են Մայր Աթոռի միաբանները՝ գլխավորությամբ լուսարարապետ Տ. Հուսիկ արքեպ. Սանթրոյանի:

Ժամը 18-ին Վեհարանում Ամենապատիվ Պատրիարք Հորը եղբայրական սիրով և զգացումներով ընդունում է Վեհափառ Հայրապետը: Վեհարանի ընդունելության սրահում, Մայր Աթոռի միաբանների ներկայությամբ, երկու հոգևոր առաջնորդների միջև տեղի է ունենում ջերմ և սրտագին պրույց:

Նոյեմբերի 28-ին, երկուշաբթի.—Այսօր, առավոտյան, Վեհափառ Հայրապետին է այցելում Հալեպի նահանգապետ պրն. Մուհամմեդ Նուր Մաուալիդին իր տիկնոջ հետ:

Վեհափառ Հայրապետի և հանրաժողովրդի հյուրի միջև տեղի է ունենում բարեկամական ջերմ պրույց:

Նոյեմբերի 30-ին, չորեքշաբթի.—Այսօր Վեհարանում, Երուսաղեմի հայոց Ամենապատիվ Պատրիարք Տ. Եղիշե արքեպ. Տերտերյանը ստանալով Վեհափառ Հայրապետի բարի մաղթանքները՝ հրաժեշտ է տալիս Հայոց Հայրապետին ու Մայր Աթոռի միաբաններին և մեկնում Երուսաղեմ:

Նույն օրը, երեկոյան, Վեհարանում, Վեհափառ Հայրապետի նախագահությամբ, տեղի է ունենում միաբանական հերթական հավաքույթ:

Դեկտեմբերի 3-ին, շաբաթ.—Տօն Սրբոց Առաքելոցն և առաջին լուսատուչացն մերոց Թադեոսի և Բարդուղիմեոսի:

Այսօր Մայր տաճարում, Ավագ խորանի վրա, ս. պատարագ է մատուցում Տ. Խաչատուր քնն. Ֆրանգյանը:

Դեկտեմբերի 7-ին, չորեքշաբթի.—Այսօր Վեհարանում, Վեհափառ Հայրապետի նախագահությամբ, տեղի է ունենում միաբանական հերթական հավաքույթ:

Դեկտեմբերի 14-ին, չորեքշաբթի.—Այսօր Վեհարանում, Վեհափառ Հայրապետի նախագահությամբ, տեղի է ունենում միաբանական հերթական հավաքույթ:

Դեկտեմբերի 17-ին, շաբաթ.—Այսօր Բյուրականի «Հայկաշեն» հայրապետական ամառանոցում տեղի ունեցավ «Ս. Ներսես Շնորհալի» շքանշանի պաշտոնական հանձնումը ՍՍՀՄ գեղարվեստների ակադեմիայի իսկական անդամ, ՍՍՀՄ ժողովրդական նկարիչ, ՍՍՀՄ և ՀՍՍՀ պետական մրցանակների դափնեկիր Գրիգոր Խանջյանին:

Դեկտեմբերի 21-ին, չորեքշաբթի.—Այսօր Մայր Աթոռի միաբանությունը, Վեհափառ Հայրապետի գլխավորությամբ, Երևանի Ալ. Սպենդիարյանի անվան օպերայի և բալետի պետական թատրոնում ներկա է լինում «Ալմաստ» ներկայացմանը:

Դեկտեմբերի 22-ին, հինգշաբթի.—Այսօր Վեհարանում, Վեհափառ Հայրապետի նախագահությամբ, տեղի է ունենում միաբանական հերթական հավաքույթ:

* *

Դեկտեմբերի 25-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում Տ. Մովսիս վրդ. Սարգսյանը և «Հայր մեր»-ից առաջ քարոզում «Երանի խաղաղարարաց, զի նոքա որդիք Աստուծոյ կոչեցին» (Մատթ. Ե 9) բնաբանով:

* *

Դեկտեմբերի 28-ին, չորեքշաբթի.—Այսօր Վեհարանում, Վեհափառ Հայրապետի նախագահությամբ, տեղի է ունենում միաբանական հերթական հավաքույթ:

